

頻伽大藏經

九洲圖書出版社

頻伽大藏經第八十九冊目錄

○佛祖歷代通載續前……………八九・一

○比丘尼傳 四卷 梁寶唱撰……………八九・三二二

卷第一(八九・三二二) 卷第二(八九・三二八) 卷第三(八九・三三六) 卷第四(八九・三四二)

○神僧傳 九卷 明太宗御……………八九・三四八

卷第一(八九・三五〇) 卷第二(八九・三六一) 卷第三(八九・三七三) 卷第四(八九・三八七) 卷第五(八九・四〇〇) 卷第六(八九・四一五) 卷第七(八九・四二八) 卷第八(八九・四四三) 卷第九(八九・四五七)

纂集部

○諸經要集 二十卷 唐道世集……………八九・四七一

三寶部(八九・四七一) 敬塔部(八九・五〇二) 攝念部(八九・五一二) 入道部(八九・五一六) 唄贊部(八九・五二二) 香燈部(八九・五二五) 受請部(八九・五三四) 受齋部(八九・五四八) 破齋部(八九・五五一) 富貴部(八九・五五四) 貧賤部(八九・五五九) 獎導部(八九・五六六) 報恩部(八九・五八二) 放生部(八九・五八七) 興福部(八九・五九三) 擇交部(八九・六〇一) 思慎部(八九・

六一〇) 六度部(八九・六一六) 業因部(八九・六四一) 欲蓋部(八九・六五〇)
四生部(八九・六五七) 受報部(八九・六六七) 十惡部(八九・六八三) 詐偽部
(八九・七一五) 情慢部(八九・七二三) 酒肉部(八九・七二八) 占相部(八九・
七四〇) 地獄部(八九・七四五) 送終部(八九・七六〇) 雜要部(八九・七七五)

佛祖歷代通載卷第十一

嘉興路大中祥符禪寺住持華亭念常集

陳郡雷氏曰國陳高霸先文廢宣後合爲五王三十三年

丁丑

高祖武帝國姓陳諱霸先字興國小字法生吳興長城下里人受梁敬帝遜禪即位年五十七崩于璇璣殿在

位三年

改元永定○周閔帝國字文覺從兄護殺之而立統

叙曰有梁祚微禍難自作東魏賊侯景因隙來奔高祖建義內之封爲河南王乘寵作亂遂陷臺城先是梁湘東王出鎮荆陝使王僧辨陳霸先等平金陵未幾湘東王爲西魏所滅侯景既誅僧辨仍爲霸先所殺太平元年梁敬帝遜位霸先即帝位于金陵以姓爲國蓋吳興長城下里人也世本甚微自云漢太丘長陳寔之裔身長九尺二寸鬚長三尺垂手過膝神明高放有大志略衆所推重既臨大寶復梁舊政崇重釋氏金陵舊來七百餘寺侯景焚蕩幾盡陳高祖悉皆脩復翻經講道不替前朝自創國至禎明三年凡五主三十三年國入于隋其二十四年與周同政九載與隋同政時天竺優禪尼國三藏法師拘那陀羅陳言眞諦十四年間隨處譯經論疏傳等四十八部凡二百三十二卷云

眞觀法師釋門龍象也時徐僕射領軍禦世欲僧兵之師馳書勉止其言傷恒足以發回向之心又著無性因緣論

周明帝統小字統萬字文之長子在位四年改元武定○周用明克讓曆

庚辰

文帝統改天嘉統字子華高祖兄昭烈王興之長子高祖與兄同經營帝業故遺詔立之天康乙酉崩于有覺殿在位七年

七

藏

經

佛祖歷代通載第十一

八十

改十

周明帝中從兄護毒死而立弟

沙門稠禪師乃魏跋陀三藏之資也。受具往嵩山少林。又抵覃懷王屋之柏岩寺。解二虎鬪。由是舉世知名。齊乾明元年。示寂于龍山雲門寺。

齊孝昭帝演改皇建字延安。神武第六子。聰敏仁孝。勤于政治。一年因捕兔。驚馬墜地而崩。壽二十七。葬靜陵。周武帝邕改保定。字彌羅。宇文之第四子。登位。唯布衣。帔無金寶飾。禁斷華綺。上階聽政。不施櫺棋。後宮嬪御。不過十人。在位十八年。壽三十六。崩于輦。葬孝陵。

法師洪偃。雅爲文帝所重。及齊使崔武子有專對才。朝廷憚之。帝以偃才學兩優。命館伴武子。武子加歎而歸。由是朝儀欲奪其志。斂以冠巾。偃聞命。卽絕食以死。自誓。帝以其確誠。從之時。稱偃四絕。謂姿容德行文章草隸。臨終謂其徒曰。世人爲貪心之所暗。貪已則惜落一毫。貪他則永無厭足。至於身死之後。高其墳。重其槨。必謂九泉之下。還結四隣。一何可歎。今瞑目之後。以脯腊鄙形布施飛走。及卒弟子如其誠。有文集二十卷。詔藏祕閣。

法師寶瓊。陳宣帝命爲僧統。綏禦有法。四衆安之。屢入重雲殿講道。帝尊之爲師。初梁魏間。僧統盛飾杖直。僭擬官府。至瓊奏罷之。每出從數頭陀杖笠而已。于時海東有十二國。聞瓊道德不可見。遣使奉金帛求瓊畫像。其爲天下敬慕如此。及卒。法師曇衍繼爲僧統。亦有重名。衍初生下四十齒已具。舉世異之。

壬午 後梁世宗歸改天保。字仁遠。察第三子。在位二十三年。

齊武成湛改太寧。神武第九子。淫亂無度。信用嬖寵。傳位太子。在位四年。壽三十二。崩。又改河清。

癸未 周保定三年。有牛生足于背上。出北史。

乙酉 齊後主緯。字仁綱。武帝長子。昏亂暴虐。殺于崔季等忠臣。在位十三年。改天統。

旃檀瑞像至此三百六十七年在淮南。

是年衛元嵩上疏減僧。初周武崇佛氏。天保六年。嵩上十一條省寺減僧。云僧多怠惰。貪財冒利。不足欽尚。召百僧入內道場。七日伺過。不得無何乃止。嵩後感惡疾而卒。世尊曰。獅子身中蟲。嵩何不當之矣。

丙戌 改天康○周天和用

廢帝伯宗改光太在十九歲而卒

大教東被五百年矣

台宗三祖惠思禪師。姓李氏。武津人也。少以寬慈。頂生肉髻。耳有重輪。象視牛行。與世自異。夢梵僧勉令出俗。辭親入道。及稟具戒。日唯一食。不受別施。聞北齊惠文聚徒。衆法清淨。乃往歸依。從受正法。性樂苦節。營僧爲業。於三七日中。得宿命智。而習漏未盡。後於定中。放身倚壁。未至間。霍爾開悟。法華三昧。大乘法門。一念明達。十六特勝。背捨徐入。便自通徹。不由他悟。示衆曰。道源不遠。性海非遙。但向已求。莫從他覓。覓亦不得。亦非眞。後在大蘇。弊於烽警。山侶不遑安處。將四十餘僧。徑趣南岳。時陳光大二年六月二十三日也。至卽告曰。吾至此滿十年耳。先是梁僧惠海居衡嶽寺。及見師欣然。讓之時。稱思大和上。或問。何不下山教化衆生。思答曰。三世諸佛。被我一口吞盡。有何衆生可化。嘗不豫。因念曰。病由業生。業由心起。心緣不起。外境何狀。業病與身。都是雲影。作是觀已。身遂輕安。陳高祖徵至都。安置栖玄寺。甚蒙咨揖。久之辭還南岳。師曰。寄迹茲山。止十年耳。期滿當移。時衆不識其旨。及還大集門學。連日說法。苦勸呵責。聞者寒心。陳大建九年丁酉六月二十二日。咸聞異香。師更攝心諦坐。至盡頂煖。身軟顏色如生。春秋六十有四。師奉菩薩三聚淨戒。至如續續皮革。多由損生。故其服章。率皆以布。寒則艾衲。用犯風霜。至於所被法衣。都無蠶服。縱皆受法。不云得成。若乞若得。蠶綿作衣。准津結科。斬捨定矣。約情貪附。何由縱之。唯南嶽獨斷高遵聖檢也。今之列其派者。華裾苴服。恣尙鮮麗。得無惡乎。

己丑 宣帝項改大建字紹世。小字師利。昭烈王興次子。文之弟也。身長八尺三寸。大有勇力。善騎射。生五十一年。

五十三歲崩。宣福殿在位一十四年。

周武天和四年。帝命名儒僧道伸。述三教利病。沙門道安作二教論二十篇。以儒道九流爲外教。釋氏爲內教。意謂上古朴素墳典之誥。未弘淳風日澆。丘索之文。乃著苞綸七典。統括九流。成爲治國之謀。並是脩身之具。若派而分之數。應爲九。若總而合之。則同屬儒宗。今乃一化之內。令九流爭川。大道之世。使小成競辨。豈不上傷皇極。莫大之

道安
上二
教論

風下開拘放鄙蕩之弊哉及蘭譯內典奏之于朝久而無報安勤於奉母凡薪水飲食皆自力營進其徒有代之者安曰吾母也豈可勞人哉及周武廢教以安宿望欲官之安以死拒絕尋以大教堙阨號慟而卒

周武天和四年謠言黑衣武以猜爲心有道士張賓之等譎詐罔上私構其黨以黑釋爲國忌以黃老爲國祥帝納其言信道輕釋親受符錄躬服衣冠是年己丑三月十五日召三教名士文武百官二千餘人帝御正殿量述三教以道最先出於無名之前超乎天地之表議者紛紜弗定至二十日依前集論是非更廣帝曰儒道二教此國常遵佛教後來朕意不立僉議陳理無由除削至四月初更依前集雖極言陳無得面從也又各理伸弗克定矣遂勅司隸大夫甄鸞詳審二教至于天和五年鸞詳二教上笑道論三卷其表略曰

切以佛道二教事迹不同出沒隱顯變通亦異幽微妙密未易詳度且一件相對佛者以因緣爲宗道者以自然爲義自然者無爲而成因緣者積行乃證春秋傳曰君所謂可而有否焉臣獻其可以去其否臣亦何人奉勅降問敢不實答其道德二篇可爲儒林之宗疑紕繆者去其兩端請量刪定按五上文曰上士聞道勤而行之中士聞道若存若亡下士聞道則大笑之不大笑不名爲道臣諷率下士見爲笑道論三卷合三十六條三卷者笑其三洞之名三十六條者笑其道經有三十六部戰汗上呈心魂失守

出弘明集

周武至五月十日大集群臣詳鸞上論以爲傷蠹道法不愜本圖火焚而已論具如弘明集周大夫甄鸞者寔高識君子也弗知懼大敵而勇於小敵者焉王令詳定二教優劣直以正見剖析無使偏意在懷而著此論褒貶臧否詩曰豈弟君子求福不回其此之謂夫傷哉火矣

又上道安所著二教論二十篇帝詳審諸以問朝宰無有抗者遂寢其事其論略曰鍊心之術名三乘內教也救形之術名九流外教也道無別教卽在儒流漢書藝文志曰儒家者流蓋出于司徒之官助人君順陰陽明教化者也游文於六經之中留意於五德之際祖述堯舜憲章文武宗師仲尼其道最高也道家者流蓋出於義和之官敬順昊天卑弱以自持此君人者而南之術合於堯之克讓易之謙謙是其所長也陰陽家者流蓋出於羲和之官敬順昊天曆象日月敬授民時此其所長也法家者流蓋出理官信賞辟罰以輔禮制易曰先王以明罰勸政此其所長也名

家者流蓋出於禮官。古者名位不同禮亦數異。孔子曰：必也正名乎。名不正則言不順，言不順則事不成。此其所長也。墨家者流蓋出清廟之官，茅屋採椽，是以貴儉。養三老五更，是以墨兼愛。選士大射，是以上賢。宗祀嚴父，是以有鬼。此其所長也。縱橫家者流蓋出於行人之官。孔子曰：誦詩三百，使於四方，不能專對，雖多亦奚以爲？又使乎使乎，言其當權受制，宜受命而不受詞。此其所長也。雜家者流蓋出於議官，兼儒墨含名法，知國體之有此，見王制無不貫之。此其所長也。農家者流蓋出於農稷之官，播五穀勸耕桑，以足衣食，故八政曰：一曰食，二曰貨。此其所長也。若

齊改武平

周改建德

庚寅

周廢釋建德三年五月十七日，周武終成妬忌信張賓之議，欲偏廢釋教。因大集百僚，命沙門與道士辯優劣。預

令張賓之飾詭辭以挫釋子，冀即其義負而擠之。于時法師知炫對帝抗辭，吐精壯，帝意賓不能制，即逞天威垂難辭。左右叱炫聽制，旨炫安詳應對，陳義益高，陪位大臣莫不動容欽歎。帝不能屈，明日詔下，遂兼道教罷之。

齊改隆化周兵陷并州上走鄴傳位太子恒

丁酉

周伐齊至鄴齊王緯走獲之封爲溫國公幼主恒改承化與後主俱走青州周兵執之國亡

右高齊五主二十八年宇文周并之

戊戌

周武承光二年滅北齊據鄴都用章孝寬楊堅等眷東平高氏召前脩大德並赴殿下帝登座序廢立義其畧曰：六經儒教禮義忠孝於世有宜故須存立且眞佛無相遙敬表心佛經廣歎崇建浮圖徒廢民財凡是經像皆毀滅之一切僧尼並令還俗朕意如此諸大德謂理何如于時沙門大統五百餘人咸以王威震赫決諫難從關內已除義非孤立衆各默然下勅催答並相顧無色俛首垂淚于時有沙門惠遠者姓王氏乃曇始和上之門資也聲名光價乃自惟曰佛法之寄四衆是依豈以杜言謂能通理遂排衆出對曰陛下統臨大域得一居尊隨俗致詞憲章三教詔云眞佛無相誠如天旨但耳目生靈賴聞經佛藉像表眞今若廢之無以興敬帝曰虛空眞佛咸自知之何假

卷一

卷一

佛祖歷代通載第十一

卷一

卷一

經像遠曰。漢明已前經像未至此土。含生何故不知虛空是佛。帝時無答。遠曰。若不藉經教。自知有法者。三皇以前未有文字。人應自知有五常等法。當時諸人何故但識其母不識其父。同於禽獸。帝又無語。遠曰。若以形像無情事之無福。故須廢者。則國家七廟豈是有情而妄相尊事。帝又不答。乃曰。佛經外國之法。此國不須。國家七廟上代所立。朕亦不以爲是。將同廢之。遠曰。若以外國之經非此用者。仲尼所說出自魯國。秦晉之地亦應廢而不行。又以七廟爲非。將亦廢者。則是不尊祖考。祖考不尊。則昭穆失序。昭穆失序。則五經無用。前存儒教。其義安立。若是則三教同廢。將何治國。帝曰。魯邦之與秦晉。封域乃殊。莫非王者一化。故不類佛經。七廟之難。帝無以通。遠曰。若以秦魯同遵一化。經義通行者。其震旦之與天竺。國界雖殊。莫不同在閭浮四海之內。輪王一化。何不遵佛經而令獨廢。帝又無答。遠曰。退僧還家。崇孝養者。孔經亦云。立身行道。以顯父母。即是孝行。何必還家。帝曰。父母恩重。交資色養。棄親向疎。未成至孝。遠曰。若如是者。陛下左右皆有二親。何不放之。乃使長假五年。不見父母。帝曰。朕亦依番上下得歸。侍奉。遠曰。佛亦聽僧。冬夏隨緣。脩道春秋歸家侍養。故目連乞食。餉母。如來櫛棺臨塋。此理大通。未可獨廢。帝又無答。遠抗聲曰。陛下今恃王力自在。廢滅佛法。是邪見人。阿鼻地獄不揀貴賤。陛下何得不怖。帝悻然作色大怒。直視於遠曰。但令百姓得樂。朕亦不辭地獄諸苦。遠曰。陛下以邪法化人。現種苦業。當共陛下同趣阿鼻。何處有樂可得。帝屈無對。所圖意盛更無所答。但云僧等且還有司錄取論僧姓字。帝已行虐。師知時不濟。隱居楚澤。青蓮山。養道造涅槃等疏。有擲筆凌空之驗。武既怒佛。道二宗俱被廢滅。東川寺觀凡四萬餘區。並賜王公僧道三百萬人悉充軍民財產。並收入官。帝以爲得志焉。傷哉。

法師靜謐者。聞詔下慨然曰。食周之粟而忘其事。謂之忠乎。卽詣闕奉表求見。武帝許之。及引對。極陳毀教禍福。報應之事。指證明白。帝爲改容。願業已成。既行之詔不可返。因謝遣之。謫退而泣曰。大教阨塞。吾何忍見之。遂遁入終南山。帝尋欲官之。遣衛士求謫。謫聞徙入太一山。衛士不獲而返。謫以法滅號泣七日。夜聲不絕。撰三寶錄二十卷。假設主賓。抑揚飛伏。廣羅文義。弘贊大乘。并錄見聞事實。藏諸岩洞。庶後代之再興耳。尋告弟子曰。吾生無補于世。將事捨身。衆號泣不許。因令侍者出山。謫瀝血書偈一篇。遂坐磐石。留一內衣。自條其肉布於石上。引腸胃掛于松。

枝五臟皆外見餘筋肉手足頭面乃拆都盡以刀割心捧之而卒侍者歸山猶見捧心而坐餘骸並無遺血但見白乳傍流凝於石次聞者靡不流涕時年四十有五云

丁酉

周武承光三年既克齊改元宣政帝癘疾稍作五月一日歸長安延壽殿癘甚二十四日遷雲陽宮六月一日殂子贇立于同州○唐吏部尚書唐臨冥報記云自言外祖為隋僕射封齊公親見文帝問死還活者初死見周武帝云為我上聞大隋天子昔日與我共食倉庫玉帛亦我儲之我今為滅佛法受大極苦願帝為我助作功德也帝以庫藏不敢私費乃化天下人各一錢為追福懺罪也

戊戌

周宣帝贇字乾伯武長子即位未及年禪位太子自稱天元皇帝驕佚淫湎改元大成又改大象年三十二崩葬定陵在位一年

己亥

釋任道琳者以學業淹博得近周武議論二十餘日酌酢七十番周武窮極精思不能屈嘗許以復敎會其崩不果至是道琳伸請尤力帝從之

庚子

周宣帝二月二十六日詔曰佛法弘大前古共崇詎宜沈隱舍而不行自今應王公下逮黎庶並宜脩事知朕意焉○四月二十六日復詔曰教義幽深神奇弘大雖以廣開化儀通其脩事而崇奉之徒勿須剪髮以乖大道宜視菩薩儀範權服冠纓所司條為儀注於是琳等妙選舊沙門懿行貞粹聲望卓異者百二十人入陟帖寺仍舊住持周靜帝衍更名闡宣之長子大象即位隋公楊堅脩政十二月封為隋國公罷入市稅錢復佛道二敎

辛丑

大定元年孫位于隋居于別宮隋氏奉帝為介國公服飾禮樂一如周制上書不稱表答不稱表答不稱詔隋開皇元年五月帝年十九而崩葬之恭陵在位一年○五月天元殂以天元皇后之父楊堅輔政襲封隋國公也

周改大定正月改元二月

右宇文周十五年共二

隋高祖文皇帝名堅字那羅延本弘農華陰人也其先漢太尉楊震之後八世孫統仕燕北平太守元

壽仕魏武川司馬惠嘏太原太守烈平原太守定遠真隋國公忠生帝堅相周封隋王大定元年受周禪八年廢梁九年平陳天下一統克儉為良主都于龍首山故長安也仁壽四年太子廣弒之壽六十四塋之太陵在位二十三年

改年開皇

壬寅

上俎太子立○設無礙會舍身

後主叔寶改元至德字元秀小字黃奴宣之長子即位荒淫酒色禍亂非常後與張麗華孔貴嬪逃入宮井隋文廢為長城公至仁壽四年癸亥十一月壬子終于洛陽壽五十二歲在位六年

甲辰

隋初行甲子曆

丙午

後梁琮字溫文歸太子寬仁大度博學善射即位改元廣運後其叔安平王嵩擁江陵仕庶奔陳琮時朝隋隋乃廢琮為莒國公在位二年而梁絕矣

丁未

改禎明

己酉

右陳五主三十三年併之隋後梁三主三十四年併之隋

庚戌

隋文帝開皇十年

序曰天命有隋膺斯五運帝君榮祐宅此九州所以誕育之初神光洞發君臨已後靈瑞競臻故使天兆龜文水浮五色地開泉醴山響萬年雲慶露甘珠明石變聲聞警視啞語覽行禽獸見非常之祥草木呈難紀之瑞是知昔聞七寶匪局金輪今則神異四時徧知玉燭往以赤若之歲黃屋馭宸土制水行興廢毀之佛日火乘木運啓嘉號於開皇高祖以周靖帝大定二年黃龍降於舊第卿雲見於城闌二月十三日周以帝祚歸禪在隋景命既臨服黃簪皂廢周官依漢三省佛日還曜法水潛通其冬有周沙門賡西域梵經二百餘部膺期而至下勅所司訪人翻譯開皇二年仲春之月便就宣傳季夏詔以龍首之山川原秀麗卉木滋阜宜建都邑凡城殿門縣園寺皆以大興為額三寶慈化自此而興萬國仁風緣茲遠大伽藍鬱峙法宇交臨開士肩聯信心踵接及仁壽啓號寶塔是興百有餘

州皆陳瑞應于斯時也。四海靜浪九州無塵。大度僧尼將三十萬。崇緝寺宇向有五千。翻譯道俗二十四人。所出經論垂五百卷。及煬帝嗣錄。卜宅東都。仍於洛濱上林園置翻經館。四事供養無乏于時。今叙一朝兩代三十七年。祖師顧儒高僧法匠十有五人。顯大隋我教之隆盛焉。

辛亥

法師曇延。姿度環異。身長九尺六寸。垂手過膝。目光外射。才望與惠遠相埒。述諸經義疏。議者謂標舉綱目。遠不逮延。文句愜當。延不逮遠。齊太祖從之。問道給月俸。會周使周弘正來聘。大臣舉延接伴。弘正恃才氣。出人上。見延悠然意消。及還。求延畫像。并所著疏論而歸。帝益重之。進位昭玄上統。周武廢教。延遁入太行山。及隋受禪。即日削髮。以沙門謁見。文帝大悅。下書復教。久之。歲早有旨。命延率衆祈雨。雨不降。帝問故。對曰。事由一二。帝遣京尹蘇成問一二之意。延曰。陛下躬萬機之政。群臣致股肱之力。雖通治體。然俱愆玄化。欲雨不雨。事由一二也。帝識其意。勅有司擇日於正殿設儀。命延授以八戒。群臣以次受訖。方炎威如焚。而大雨沛然。傾注帝悅。自是延每入朝。必親手奉御饌。供之。臨終以表辭。帝託以外護。帝哭之哀甚。葬日百僚縞素。送之內史薛道衡文祭畧曰。往逢道喪。玄綱落紐。棲心幽岩。確乎不拔。高位厚祿。不能回其慮。嚴威峻法。不足懼其心。經行宴坐。夷險莫二。戒德威儀。始終如一。聖皇啓運。像法再興。卓爾緇衣。鬱爲稱首。屈宸極之重。申師資之義。三寶由之弘護。二諦藉以宣揚。信足以追蹤澄什。超邁安遠矣。

壬子

釋尼智僊者。河東蒲坂劉氏女也。少出家有戒行。長通禪觀。時言吉凶成敗。事莫不奇驗。居般若寺。會文帝生於寺。方季夏盛暑。乳母遽扇之。帝寒甚。幾絕不能啼。左右大驚。尼就視之。曰。兒天佛所祐。宜勿憂也。即舉之乎。曰。那羅延。因以爲小字。抱詣太祖。語曰。兒來處絕倫。俗家穢雜。不宜留。請爲養之。太祖遂割宅爲小門通寺。以兒委僊視育。後皇妣來抱。忽見兒爲龍驚墮于地。僊失聲曰。奚爲觸損我兒。令晚得天下。及帝稍長。僊密告之曰。汝後大貴。當自東方來。佛法時滅。賴汝而興。及周武廢教。僊隱其家。內著佛法戒行。彌篤至是。帝果自山東來。入爲天子。大興釋氏。僊前此而卒。帝對群臣稱阿闍黎。以爲口實。又云。朕興由佛法。而好食麻豆。前身定從道人中來。少時在寺長育。至今樂聞鍾磬之聲。

是年關輔旱。帝引民就食洛州。先是律師靈藏者。帝爲布衣交。至是命藏陪駕。旣而趣向藏者極盛。帝聞之手勅曰。弟子是俗人。天子律師是道人。天子有樂離俗者。任師度之。藏由是度人前後數萬。間有譖之者。帝曰。律師化人爲善。弟子禁人爲惡。言雖有異。意則無殊。

是年李士謙卒。士謙字約少喪父。事母以孝聞。其族長伯瑒每歎曰。此子吾家顏子也。善天文術數。自以少孤未嘗飲酒食肉。如此積三十年。雅好舉止。約以戒定。有謂其修陰德。士謙笑曰。夫陰德其猶耳鳴。唯已知之人無得而知者。今吾所作仁者皆知。何陰德之有。最善立言。客有疑佛報應之說。士謙喻之曰。積善餘慶。積惡餘殃。豈非休咎之徵耶。佛曰。輪轉五道。無復窮已。而賈誼亦云。千變萬化。未始有極。至若鮫爲黃能。杜宇爲鷓鴣。褒君爲龍。牛哀爲虎。君子爲鵠。小人爲猿。彭生爲豕。知意爲犬。黃母爲黿。宣武爲鼈。鄧艾爲牛。徐伯爲魚。羊祜前身李氏子。此皆佛家變異形報之驗。客人曰。邢子才云。世有松柏化爲樗櫟。僕以爲然。士謙曰。此不類之談也。變化皆由心業。豈關木乎。又問三教優劣。士謙曰。佛日也。道月也。儒五星也。客不能難而去。

論曰。北史史官蔣沈等記李君之事。詳悉如此。豈非心懷佛德。盡已之誠。不敢欺誅後之來者歟。士謙以日月星方三教。然乍觀似有優劣。至若照明世界。運轉生靈。則一德也是三者闕一。則安立不成。故易曰。乾道變化各正性命。賢哉李君。吾見其深於性命之大原也。

癸丑 二祖惠可大師示寂於開皇十三年三月十六日也。師虎牢人。少博極群書。尤精立理。及覽佛經。超然自得。遂出家。依龍門香山寶靜禪師。得度具戒。年甫四十。忽一日。定中神告曰。將證聖果。無滯於此。須臾頓覺頭痛如刺。欲行求治。空中有聲曰。此換骨耳。非常痛也。因以告師。師視其頂。有五峯隆起。乃曰。神既助汝。可行求道。吾聞天竺達磨近至少林。宜往依之。師至少林。投機授法。語載達磨章中。及少林歸寂。師繼闡玄化。嘗至北齊。遇一居士。不言姓氏。且曰。弟子身纏風恙。請師懺罪。師曰。將罪來。與汝懺。居士良久曰。竟罪了。不可得。師曰。與汝懺罪。竟宜依佛法僧住。曰。今見師已知是僧。未審何名。佛法師曰。是心是佛。是心是法。佛法佛無二。僧寶亦然。曰。今日始知罪性不在內。不在外。不在中間。其心亦然。佛法無二也。師器之。卽爲剃髮。云是吾寶也。宜名僧瓌。授具戒畢。乃告之曰。達磨大師來自

丁巳

天竺以正法眼藏密授於吾。吾今付汝并達磨信依。汝當護持無令斷絕。聽吾偈曰。本來緣有地。因地種花生。本來無有種。花亦不曾生。汝受吾教。宜處深山。未可行化。當有國難。曰。師既預知。願聞示誨。師曰。昔達磨傳般若多羅識。記云。心中雖吉。外頭凶。吾校年代。正在汝身。當審前言。勿罹世難。然吾亦有夙累。今要償之。師於鄭都隨宜行化。經三十四年。乃晦迹混俗。或過屠門。或入酒肆。有怪而問之者。答曰。我自調心。非關汝事。最後於堯城縣匡救寺。三門下談無上道。聽者雲集。有辯和法師者。於寺中講涅槃經。學徒聞師說。稍稍引去。和不勝憤。輿謗于邑宰翟仲侃。侃惑其說。加師以非法。遂怡然委順。年一百有七。識真者謂師償債。葬磁州淦縣東北七十里。唐德宗諡大祖禪師。

天台智者禪師示寂於開皇十七年十一月二十四日。師諱智顗。字德安。姓陳氏。潁川人。有晉遷都。寓居荊州華容縣。梁散騎益陽公起第二子。母徐氏夢香煙五彩。縈回在懷。欲拂去之。聞人語曰。宿世因緣。寄託王道。福德自至。何以去之。誕育之夜。室內洞明。信宿其光。乃止。憶先靈瑞。呼爲王道。臥必合掌。坐必面西。年長時。口不妄噉。見像便禮。逢僧必敬。七歲喜往伽藍。諸僧訝其情。志口授普門品。初啓一偏。卽得二親。遏絕不許。更誦志學之年。仕梁承聖。屬元年。淪沒北度。硤川依乎舅氏。尋討名師。年十有八。投湘州果願寺。法緒出家。授以十戒。仍北度詣惠曠律師。北面橫經。具蒙指誨。又詣光州大蘇山南嶽禪師。受業心觀。乃於北山行法華三昧。始住三夕。誦至藥王品。心緣苦行。至是真精進。句解悟便發。見共思師處。靈鷲山七寶淨土。聽佛說法。思爲印可。嘗令代講。思躬執如意。在座觀聽。語學徒曰。此吾徒之義兒。恨其定力少耳。於是師資改觀。名聞遐邇。學成往辭思。思曰。汝於陳國有緣。往必利益。思旣入南嶽。大師詣金陵。綿歷八周。語默每思林澤。乃夢岩崖萬重。雲日半垂。其側滄海無畔。見一僧搖伸手臂。挽師上山。以夢通告門人。咸曰。此天台山也。因挾道南征。隱淪斯岩。陳少主降勅徵入。前後七使師乃赴都。迎入太極殿。之東堂。講智論及金陵敗覆策。杖荆湘。會大業在蕃。任總淮海。承風佩德。欲遵戒法。致書累請。師初陳寡德。次讓名僧。後舉同學三辭。不免。開皇十一年十一月二十三日。於揚州設千僧會。爲王授戒。未幾王入朝。師旋台嶽。躬率禪門。行光明懺。仍立誓曰。若於三寶有益者。當限此餘年。若其徒生願從速化。不久告衆曰。吾當卒此地矣。誠曰。宜各默然。吾將去矣。言已端坐如定。而卒於天台大石像前。春秋六十七矣。弟子章安親傳戒法焉。

七

教

聖王

佛祖歷代通載第十一

八十五

教十

辛酉 改仁壽

初文帝龍潛時遇梵僧以舍利一裹授之曰檀越他日爲普天慈父此大覺遺靈故留與供養僧既去求之不知所
在帝登極後嘗與法師曇遷各置舍利於掌而數之或多或少或多竟不能定遷曰諸佛法身過於數量非世間所測帝
始作七寶箱貯之之至是海內大定帝憶其事是以岐州等三十州各建塔焉

是年六月十三日詔曰仰惟正覺大慈大悲救護衆生津濟庶品朕歸依三寶重興聖教思與四海之內一切人民
俱發菩提共修福業使當今現在爰及來世永作善因同登妙果宜請沙門三十人諳解法相兼堪宣導者各將侍
者二人散官一人熏陸香一百二十片分送舍利往前三十州建塔每州僧三百六十人爲朕及皇太子后妃諸王
內外官僚士庶懺悔及於相州戰場立寺七日行道任人布施限十文而止所施之錢以供營塔若少不充役正丁
及用庫物別外州郡僧尼普爲舍利設齋限十月十五日午時同下石函總管刺史下至縣尉自非軍機停務七日
專檢校行道務盡誠敬副朕意焉是日帝親以七寶箱奉三十舍利自內而出置于御座之按與諸沙門燒香禮拜
願弟子常以正法護持三寶救度一切衆生乃取金瓶瑠璃瓶各三十以瑠璃瓶盛金瓶置舍利於其內熏陸爲泥
塗蓋而印之諸沙門各奉而行初入州境總管刺史夾道步引四部大衆威儀齋肅共以寶蓋幡幢華臺像輦佛帳
徑與香山香鉢種種音樂盡來供養圍繞讚唄依阿含經舍利入拘尸那城法於是沙門對四部大衆作是唱言至
尊以菩薩大慈無邊無際哀愍衆生切於骨髓故分布舍利共天下同作善因又引經文種種方便訶責之教導之
深至懇惻涕零及宣讀懺悔文至舍利將入函沙門高奉寶瓶巡示大衆人人拭目諦視共覩光明哀變號泣聲響
震地凡是安置之處悉亦如之帝於十月十五日午時在大興宮之大殿西面執珪而立延請佛像及沙門三百六
十人幡蓋香華讚唄音樂自大興善寺來居殿堂帝燒香禮拜降御東廊親率文武百僚素食齋戒及舍利入塔訖
帝曰爾佛法重興必有感應其後處處表奏皆如其言

見著作王郎
利堅記

癸亥

三年文中子王通既冠慨然有濟世之志西遊長安見帝坐太極殿召見因奏太平策十有二道尊王道推霸畧
稽古驗今恢恢乎運天下於掌上帝大悅曰得生幾晚天不以生賜朕也下其議於公卿公卿不悅時將有蕭牆之

憂通知謀之不用也。作東征之歌而歸。乃續詩書正禮樂。修九經。贊易道。九年而六經大就。門人自遠而至者。河南董常。太山姚義。京兆杜如晦。趙郡李靖。南陽程元。扶風竇威。河東薛收。中山賈瓊。清河房玄齡。鉅鹿魏徵。太原王珪。溫彥博。潁川陳叔達等。咸稱師。北面受王佐之道。餘往來受業者千餘人。大業中累徵不就。十三年疾病。聞江都有變。泣然而興曰。生民厭亂久矣。天其或者將啓堯舜之運。吾不與焉。命也。遂卒。門人謚曰文中子。嘗爲中說以擬論語。其周公篇曰。詩書盛而秦世滅。非孔子之罪也。玄虛長而晉室亂。非老莊之罪也。齋戒修而梁國亡。非釋迦之罪也。易不云乎。苟非其人。道不虛行。或問佛。文中子曰。聖人也。曰。其教何如。曰。西方之教也。中國則泥。又曰。觀皇極讜議三教於是乎一矣。通弟續亦著書。號東臯子。文中子講道于白午之磻。弟子捧書北面環堂成列。講罷程生退省于松下。語及周易。薛收歎曰。不及伏羲氏乎。何辭之多也。俄而有負荅者。皤皤然委擔而息曰。吾子何歎也。薛收曰。叟何爲者。而徵吾歎。負荅者曰。麗朱者赤。附墨者黑。蓋漸而得之也。今吾子所服者道。而猶歎是六腑五臟不能受也。吾是以問。收曰。收聞之師。易者道之蘊也。伏羲畫卦而文王繫之。不逮省文矣。吾是以歎。負荅者曰。文王焉病伏羲氏病甚者也。昔者伏羲氏之未畫卦也。三才其不立乎。四序其不行乎。百物其不生乎。萬象其不森乎。何營營乎。而費畫也。自伏羲氏泄道之密。漏神之幾。分張太和。礫裂先氣。使天下之智者詭道逆出。曰我善言象。而識物情。陰陽相磨遠近相取。作爲剛柔同異之說。以駭人志。於是知者不知。而大朴散矣。則伏羲氏始兆亂者。安得贏歎而嗟文王負其荅而行追而問之。居與姓名不答。文中子聞之曰。隱者也。

右室論曰。宋司馬文正公曰。文中子云。佛聖人也。審如文中子之言。則佛之心可見矣。第今言禪者。好爲隱語。以相迷。太言以相勝。使學者悵悵然益入於迷妄。因廣文子之意。作解禪頌六首。果如此言。雖中國亦可行矣。不然則吾所不知也。其卒章曰。言爲百世師。行爲天下法。爲賢爲大聖。是名佛菩薩。噫。文正公繼孔孟荀楊爲大賢者也。庸有不知佛哉。觀其頌。則文正公平生所爲。皆佛菩薩之心也。特禪之一法。雖吾門亦標表以爲教外別傳。自非積三二十年息心絕慮。則莫能究其旨。謂之隱語大言。似是而實非也。何則。東臯子猶以伏羲畫卦泄道之密。漏神之幾。分張太和。礫裂元氣。使知者不知。大朴散矣。矧不立文字之禪。宜指人心。於語言形迹之表。詎可常程。